



Шорго эл, нурулук да рын берр!

24-ше (3256) №,
2016 ий 11 июнь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Лагерьын лүмжак ШЫРТЫЖАМ күшмта



Кажне кеңежым июнь тўналтыште школыштына «Улыбка» лагерь пашам ышта. Теният тудо шке омажым 15 ўдыр-рвезылан почын (снимкыште).

Йоча-шамычлан канашышт, жапым веселан да пайдалын эртарашышт чыла йўным ыштыме. Тыште нуно модыт, тўрлў танасымашыште шке вийыштым тергат, экскурсий дене лектедат. Тиде пашам воспитатель-влак С.Ю.Москвичева, Т.А.Молотова да Оршанке педколледжын студенткыже Т.Виноградова шуктат. Кажне йочан тазалыкше верч фельдшер Л.Н.Рыбакова пеш тургыжлана. Кече еда «Тазалык» заныйтым эртарат. Шокшо игечыште шкем кузе кучаш, мўкш але пачемыш пўшкылеш гын, мом ышташ, шына ден ўвыра деч кузе аралалташ да тулеч моло каңашым пуа.

Тиддеч посна йоча-влак школ пакчаште пеледыш ден саскам ончен кушташ полшат: вўдым опат, шўкшудым кўрыт. Чылан пеш чот тыршат, вет ончен куштымо пакчасаска гыч школын поварже Р.Н.Пермякова тутло кочкышым шолта.

Кызытат тудо йоча-влакым тамлын пукша. Калорийым шотлаш, менюм ышташ завхоз Н.В.Смирнова полша, а Н.М.Котелова арулыкым эскера.

Ялысе тўвыра пўрт вуйлатыше Л.В.Коваленко лагерьысе йоча-шамычлан кугарня еда дискотекем эртарат. А.Пушкинын шочмо кечыжлан онай викториным ямдылен. Икманаш, лагерьыштына илыш «шолеш», чылажат йоча-влаклан эртаралтеш, вет нуно мемнан ўшанна улыт.

Ю.В.ЕМЕЛЬЯНОВА, лагерь вуйлатыше. Оршанке район, Тошто Крешын.

2016 ийын

Подписке - 2016

И пелыжлан газет ден журнал-влаклан

Ит ѳркәне, почтыш курж!

подписке тургым мучаш-лалтеш!



Курык «сеңалтын»

Самырык-влакын «Кугарня» газет-тышт тений 25 ияш лиеш. Пайрем вашеш журналист-влак 5 июньышто Волжский районысо Мўшыл ер вокте-не эртаралше таңасымашыи ушине-ныт. Ты кечын 200 наре спортсмен ден кумылан ең Шайра курыкыш кур-жын кўзеныт. Икташ идыр-влак коклаште икымше верым ты район гычак Пётъял школн тунемшыже Анна ПЕТРОВА (снимкыште) налын. А.ЭМАНОВА.



Кайыкла чонешташ!



Мый пиалан улам – чодыран да еран, пасуан да энеран мотор кундемеш шочынам. Эх, кайык семын чонештен кўзашет! Тунам кумда-кумда Рос-сийым: канде энер ден тегызлам, ужал сывынан чодырам да тўрлө пеле-дыш дене волгалтше олы-клам да кўкшө курыклам – ончалын савырем ыле. Кугу лиймекем, шоныма-шем шукташак тыршем.

Марий Эл – Россиянын ик мотор лукшо. Шочмо кун-демыште каважат яндар-рак, южшат тамлырак, ка-лыкшат порырак. Мый пашаче да шыште гай пушкыдо кумы-лан калыкна дене кугешнен илем.

Анна БОГАТЫРЁВА.
У Торъял, Токтарсола.

Театрышке унала



Йоча-влакым аралыме тўнямбал кечын М.Шкетан лўмеш театрын артистше-влак Йошкар-Оласе 32-шо №-ан йочасадын ик-шывыже-влаклан «В некотором цар-стве» спектаклым ончыкте-ныт. Герой-влак чыланат «Царевна-лягушка» йомак гыч лийыныт. Артём Петровлан (снимкыште) да тудын аважлан Иван-царевич ден Василиса Прекрасная келшенит.

11-12
июньышто
Йошкар-Олаште
«Моя Россия – моя
страна» пайрем
эрта.

Шочмо йылме ямле

Марий йылмым да литературым тунуктышо Вера Иосифовна Копалева «Шочмо йылме» пайремым эртарыш. Назар Назаров, Денис Васильев, Дмитрий Михайлов (5-ше кл.) В.Элмар ден И.Осминын почеламутыштым сылнын лудыч. Лилия Бурлакова, Оля Павлова, Ангелина Горшкова (6-шо кл.) шочмо йылмын ямже дене палдарышт. Джулия Александрова (7-ше кл.), Наташа Павлова, Сергей Андреев, Мария Павлова (8-ше кл.) лўмлө поэт, писатель-влакын ойыштым лудыч. Даша «Шочмо йылме» мурым муралгыш.

Морко, Шордўр.

Мария ПАВЛОВА.

21-24
июльышто
Киров ола вок-
тенысе Баша-
рово селаште
«Гринландия-2016»
всероссийский автор-
ский муро фестиваль 24-ше
гана лиеш. Тений «Россий, ме
тыйын икшывет улына!»
теме дене эрта.




Эн лишыл

Шочмо ялем мыланем эн лишыл. Тыште мый икымше ошкылым ыштенам, ковамын йомакшым, мурыжым колыштынам. Шочмо ялем – тиде мыйын суртем, авам, ачам да ковам. Ялемын пўртўсшө мотор. Йоча писатель Валентин Исенековат тудым моктен. Олык, куп, энер, кожла – чылажат кумылым нўлта. Шочмо ялем дене кугешнем да пеш йўратем.

Настя
МАТВЕЕВА.

Татарстан,
Агрыз, Буймо.



«Тихий Дон» модын

Лицейшыкына унала Морко районеш шочын-кушшо актрисе Инна Иванова тольо. Тудо Сергей Бондарчукын «Тихий Дон» киносе-риалыштыже модын. И.Иванова йоча годсыжо, ГИТИС-ыш тунемаш пурымыжо да студент илышы-же нерген каласкалыш. Актрисе семын кушкаш шонен, Америкыш йот йылмым тунемаш каен, но тушто ончы-кылык пелашыжым вашлийын да тушанак илаш кодын. Ёдыржымат унала конден. Александра проста кумылан, мыланна йот элысе школжо нерген каласкалыш. Сўретлаш йўрата, меат тудлан лицейысе сўрет выставкы-нам ончыктышна. Ёдырлан Москва, Марий Эл пеш келше-ныт. «Эше толам!» манын чеверласыш.

Морко, Коркатово.

Екатерина НИКИФОРОВА.



Ача-ава – йочалан пример

Ача ден ава спортлан шўман улыт гын, икшивыжат тиде корнымак тошка. Шымлызе-влакат «чылажат еш гыч тўналеи» манын ойллат. Теве Павел Михайловын ачаже, Александр Анатольевич, Волжский районсо Пётъял ялшотан илемын спорторганизаторжо. Йоча-влакым футбол дене модаш кумыланда, таңасымашлашке коштыкта. Садланак, очыни, Павел мече почеш куржталаш пеш йората. Аваже Виктория Юрьевна – тале ечызе. Яра жапыште Михайловмыт (снимкыште) шашке, үстембал теннис дене модыт.

Спортын нине видше-влак дене республиканский таңасымашыште районштын чапшым араленыт.

Л.ГРИГОРЬЕВА.



Кидвийым тергышна

Школыштына эртыше армрестлинг дене таңасымаште ўдыр-рвезе-влак кидвийнам тергышна. Рвезе-влак коклаште Тимур Кузнецов,

Эдгард Берковченко, Азат Латфуллин, Денис Николаев ойыртемагыч. Ўдыр-влак коклаште мый чылам сененам. Элина Иванова кокымшо, Валерия Смирнова, ден Сандра

Оразаева кумшо верыш лектыч.

Катя ФОМИНА.
Марий Турек,
Сардаял.

Ўдыр-влак тўшкан погынен куржталына. Мардеж дене таңасаш пеш оңай. Куржталме деч вара изижге-кугужге латтала модына.

София РУСАНОВА.

Морко, Коркатово.

Тазалык – кидыштына

Тазалыклан пөлеклалтше мероприятий годым юнкор-влак «Зимние виды спорта» презентацийым ончыктенна. Сылнымут пашанавлакым юнкор кружокым вуйлатыше Н.Д.Ильина аклен. Ваня Петров почеламутым эн сылнын йонгалтарен. Спорт нерген калыкмут-влакым шарналтенна. Кок командылан шелалтын, мурым муралтенна. Физкультур урокым вўдышө А.Л.Максимова тазалыкым изинек аралыме нерген ойлен.

Арина ГОРДЕЕВА.
Волжский, Карай.

Спортзалыш вашкат



Чылан икгай формым чиен, йоча-влак спортзалышке вашкат. Тыште нуным Ольга Викторовна Дождикова порын вашлиеш. Ўдыр-рвезе-влакын тазалыкыштым шуарымашке тунуктышо кугу надырым пышта. Йоча-влак дене мутланымеке, тыгай поро ойым колым:

Влад СЕМЕНЧЕНКО: «Мыланем йочаса-

дыште пеш келша. Арнялан кок гана эртаралтше физкультур занятийым чот вучем».

Настя ЯГОДАРОВА: «Ольга Викторовнам пеш йоратем. Кажне эрдене зарядкыш куанен вашкем».

Валерия НОВОКШОНОВА: «Мый гимнастикышке коштам. Физкультур занятийым моткоч йоратем».

Костя МИЛЮТИН: «Спорт тазалыкым виянда. Тунуктышына кумылым савырен мошта».

Юля БАРАНОВА: «Физкультур занятийыште тўрлө упражненийым ыштена, оңай модыш дене модына».

Н.ГОДУНОВА йодыштын.
Йошкар-Ола, 80-ше номеран «Ўжара» йочасад.





Тый да обществе

Икымше гана!

Тений 30-31 майыште кугурак класслаште тунемше-влакын «У тукум» этнокультур фестивальышт эртен



Наталья Васильевна ПУШКИНА, Марий тўвыра рўдер директор, проект вуйлатыше:



– Самырык тукум дене кылдалтше сомыл-влакым радамлен ончалаш гын, коеш: йоча-влаклан ятыр онай пайрем, конкурс, фестиваль эртаралтыт, студент-влакынат шке паша радамышт уло. Марий ўдыр-рвезе-влак Мер Кагашын вуйлатымж почеш тўрлў пайдале мероприятийыш чумыргат – тидат пеш сай! А кугурак класслаште тунемше-влак, 13–16 ияш-шамыч, эре ўрдыжеш кодыт. А вет тыгай ийготышто подростко сай вельшкат, уда могырышкат лупшалт кертеш. «У тукум» этнокультур фестиваль чын корным ойыраш полша.



Валерий Фёдорович ГАЛКИН, Советский районысо ўшнўр школ директор: – «У тукум» фестивальым эртараш шоньмашым ончычсо Оньыжа Анатолий Николаевич Иванов дене кагашыме.

Образований да науко министр Галина Николаевна Швецова кўлешанлан шотлен. Мемнан школышто «Марий Юнкор» да Марий самырыктукум слёт-влак, «Изи мўр пеледыш», ўярня пайрем-влак ик эн первый эртаралтыныт. 9-ше класс деч вара марий йылме да ИКН дене экзаменым сдатлаш ме тўнална. Кызыт Марий ўлыште кудшўдў чоло тунемше шочмо йылме дене ГИА-м куча. Теат шочмо калыкын йылмыжым йўратыза, вяндыза.

Тўвыра программе поян лийын. Теве икмынярже:

- «Марий калыкын историйже» квест-модмаш.
- «Келшымаш» усталык фестиваль. Кажне отряд шкеж дене палдарен.
- «Марий стартинейджер» дискотеке сынан кас.
- «Марий йылмын кўлешлыкше», «Тазалыкым аралыме йодыш» канаш (диспут) шагат-влак.
- «Марий модыш-влак», «Марий муро», «Шўртнў шун», «Гармоньчо» мастер-класс-влак.
- Келшымаш тулото.



Ныл лужа*:

- «Кутко» – лужавуй-влак Татьяна Япаева ден Геннадий Григорьев
- «Шонанпыл» – лужавуй-влак Игорь Эштуков ден Наталья Семенова
- «Эрвий» – лужавуй-влак Дмитрий Пайбулатов ден Галина Ласточкина
- «Чекист-влак» – лужавуй-влак Денис Очиев ден Ольга Купсольцева

* лужа отряд



Эдуард Васильевич АЛЕКСАНДРОВ, Онбыжа:

– Кажне районышто марий тўвыра, йылме, историй дене кылдалтше мероприятий-влаклан тўналтышым але негызым пыштыше этнокультур рўдер лийшаш. Советский районышто, пенгыдын каласен кертына, тиде – Ёшнўр школ. 2014 ийыште тыште Марий самырыктукым слёт эртен. Тунам мыйымат ик лужавуйлан сайленит. А теве таче Онбыжа лўм дене тендам саламлаш толынам. Ик верыште ида тошкешт, эре ончыко кайыза, тўшка пашашке ушныза. Тўшка пашаште лидер койышда пенгыдемеш, а ме тендам алмаштыш семын вучена.

Светлана ПЕРМЯКОВА (Советский, Кельмаксола): «Мый 7-ше классым тунем пытаренам. «У тукым» фестиваль пеш келшен. Вожатый-шамыч дене кылым кучаш тўналам. Мый кумшо лужаште лийынам, вожатыйна Дмитрий Пайбулатов пеш келшен, поро чонан, сай рвезе. Мый эше шуко гана тыгай фестивальыш логалнем. Чылаштан пеш кугу ТАУ!»

Кристина БЫКОВА (Куженер, Конганур): «Тенийсе тунемме ий шуко конкурсым, фестивальым, слётым пўлеклен. «Ший талешке» конкурсын ик номинацийыштыже сеҗышыш лектынам. «У тукым» фестивальыште жапемым пайдалын эртарышым. Мый кокымшо лужаш логалынам. Вожатый-

влак Наталья Семенова ден

Шонымем каласем

Игорь Эштуков моткоч келшенит. Фестиваль ончыкышымат шочмо тўвырам аклаш утларак кумылем луктын. Кугу таум каласем мероприятийым эртарыше-влаклан, поснак Наталья Васильевна Пушкиналан».

Анастасия БОГДАНОВА (Советский, Ёшнўр): «Шонем, фестиваль чылалан келшен. Ме икте-весе дене палыме лийынна, у йолташым муынна. Шуко оҗайым пален налынна. Ончыкылык ылышыштем у шонымаш, у йолташ-влак ўшан эҗертыш лийыт, манын шонем. Тек тиде келшынам эре вяҗеш».

Женя ЛОГИНОВ (Медведево район): «Мый Азаново кыдалаш школышто 8-ше классым тунем пытаренам. «Ший талешке» конкурсышто сеҗенем, да мыйым «У тукым» фестивалыш колтенит. Мыланем тыште чот келшен. Тўрлў конкурсышто мастарлыкем ончыктенам. Шуко йоча-влак дене палыме лийынам. Вожатый-влак тўрлў конкурсым эртаренит. Нуным ике школыш тат э р т а р а ш л и е ш ».

Н.СЕМЕНОВА
ямдылен.




Фото-влакым редакцийын да Марий тўвыра рўдерын альбомышт гыч калме.



Шотыш налза

Вашке – чеверласыме кас

Школлаште чеверласыме кас-влак тўналыт. Тиде пайремым кузе эртарыме нерген кажне выпускник тургыжлана дыр. Эн чотшо – ўдыр-влак. Нуно ойыртемалтше тувырым чийынешт, макияж шотышто колянат, мотор причёскан лийнешт. Рвезе-влак пайремыште шкем чын кучымо шотышто азапланат. Но лўдаш нимолан. Икмыняр каҗашнам шотыш налза, чыла сай лиш.

✓ Шкалан ўшаныза. ✓ Веселитлаш, мураш, кушташ, тўрлў конкурсышто участвоватлаш ида вожыл. ✓ Шкем кидыште кучыза. ✓ Чын джентльмен улмыдам ончыктыза. Тидлан ончылгоч ямдылалтман: этикет правил-влакым ушештарыза. ✓ Кочывўдым ида йў. ✓ Фотографироватлалташ ида мондо.

Класс вуйлатышыланда, ача-аваланда таум каласыза.

Рвезылан мом чийыман?

Классический стильым огыда йўрате гынат, чеверласыме касыш пиджакым, брюкым чийыман. Пиджаклан келшыше тувырым, галстукым ойырыман. Туфлыда шеме але костюмлан келшыше лийшаш.

Балыште канде, персик, нарынче, шўртнў тўс-влак волгалташ улыт. Галстук тўрлў орнаментан лийын кертеш.





Кажне чонанын – кайыкын, мўкшын, куткын, молынат – ешыже уло. Айдеме кеч-мынар тале, көргө виан лиеш гынат, еш деч посна тудым шўкал камвозыкташ, тодылаш куштылго.

Ешыште – айдемын вийже. Еш кеч изи, кеч кугу лийже, тудым йоратыман да аралыман. Шочмо элнажат, пенгыде еш-влак улыт гын веле, волгыдо ончыкылыкан лиеш.

Кажне ешын вуйжо – ача. Мыйын ачаем, Александр Анатольевич Никифоров, Арын селаште шочын-кушкын. Йочаж годсек илыш корныштыжо тўрлө йосылык вашлиялтын гынат, нелым сенаш вийкуатым эре муын. Санденак тудо чапле пример. Мыят ачам гай пашаче лийнем. Тудо мўкшотарым куча. Эр эрденак чодырашке кая да кастене веле толеш. Мўкшым ончаш манаш веле: мынар вий, жап кўлыт. Ачаммытын ешыжат: кочам-ковам – эре мўкшым ончен. Ты сомыл ынде мемнан дек куснен. Туге лектеш, тукум пашам ачам умбакыже шуя. Мыят мўкшызө-ачаемлан полшаш тыршем: кузе мом ыштышашым умылаш тўналынам, но але шукулан тунемман. Ачаем – тале водител. Колхоз улмо годым тракторист лийын. Кызыт шкенан трактор

дене пашанам куштылемда. Ёшанеда але уке, ачаем – эше уста повар. Кажне эрдене шўрым шолтен пукша. Шўржө чот тамле! Авамын изиш вестўрлырак...

Аваемже Эльвира Николаевна – Йошкарэнер ял гыч. Йочаж годымак колхоз пасушто кугыен-влак дене тўр тыршен, мланде паша тудлан чот келшен, садланак агрономлан тунем лектын. Сурт-пече көргыштө тудо шуко кушкылым шында. Мом кунам кузе ыштышашым чыла-чыла

эре тудын тўсшө. Кызыт Руслан изаем – армийыште. Хабаровский крайыште салтак порысшым шукта. Пеш тораште гынат, каласен кодымо шомакше-влакым шарнем, шўлышыжым шижам. Мый азием пеш йоратем, тудын гай ёшанле йолташемжат уке.

Кызытат шарнем, кузе мыйым «Р» буквам ойлаш, велосипед дене кудалышташ туныктен. Тудо эре ойла: «Шўжарым чаманаши кўлеш, тудо вет икте веле!» Сандене мыйже, чояланен, олмешемат пашам ыштыктенам. А изам чыным аклыше.

Ачам, авам да азием – мыйын ёшанем



п а л а !
Аваем эн поро. Изием годым школыш коштыктен, буква ден цифр-влакым туныктен, мўнгысө пашам эре терген. Черланымекем, йўд омыжым коден, воктенем шинчен. Аваем мемнан, икшывыже-влак, верч тулышвўдыш пураш ямде.. Кечмогай неле-йосым чыта! Йоча годым шукунжо тидым огына умыло, а вет, жап эртымеке, вараш кодаш лиеш. Садлан авам эре йораташ кўлеш. Ачам ден авам мемнан верч колян илат. Кочкаш, йўаш, чиен лекташ вургем лийже манын шонат. Тазалыкна верч азапланат.

Азий! Изай! Ты мутым колмеке, шинчаончылнем –

Армийыш кайымыж деч ончыч ветеринарлан тунемаш пурен, толмекыже, умбакыже шуя. Тудат ачам семын мўкшым ончаш йората. Шарнем, кузе ме коктын изина годым мўкшройым погенна: тудо шортеш, мый шортам. Но, мўкшын пўшкылмыжым чытен, мучаш марте погенна. Тыге Никифоров тукумым шуйышо улмынам пенгыдемденна. Весымат шарнем: изием годым, изам узо комбын чўнгалмыжым чытен, мыйым арален налын. Эре шонем ыле: «Кузе азийже чыла чыта?» Кушкын шумеке умыленам: вет тудо и-за! Кызыт телефон дене мўндыр Хабаровск кундеммыш йынгыртен мутланыме годым йодам: «Азий, тый мыйым чот-чот йоратет?» «Лач тыйым веле!» – воштылалын каласа изаем. Тыгай шомакше чонем ырыкта, вийым пуа.

Аралыза шке ешдам. Ойго я куан – кеч-кунам ешет тыйын пеленет, полыш кидым шуялта, тудлан ёшанаш лиеш.

Екатерина НИКИФОРОВА.

Морко район.

Ф.ЛЕБЕДЕВАН сўретше.

«Ямде лий» лудына



Порылык — эн сай кумыл

Кажне ег — изи але кугу — поро лийшаш. Тыгай айдеме веле кеч-кунам да кеч-кушто полшаш ямде.

Классыште 13 үдыр да 12 рвезе тунемынна. Түрлө койыш-шоктышан улына гынат, ваш-ваш эре полшенна, чылан тыршен тунемынна. Иктаж-кө урокын темыжым умылен огыл гын, умылтаренна. Кенежымат пырля модына. Шочмо кече дене ваш-ваш саламлена, йолташнам пöлек дене куандарена.



Диана ЯШТУЛОВА, 4-ше класс.
Шернур, Кукнур.

Ме классыште келшен иленна. Туныктышына — Ирина Ликандровна Никитина. Сайын тунемаш тыршенна. Чыланат «Ямде лий» газетым лудынна (снимкыште). Тудым кажне шочмын классыш конденна, марий йылме урокышто кучылтынна.

Диана СЕМЁНОВА.
Марий Турек, Арбор.

Почкалтыш — оза



Крапивна селаште (Тула ола деч мундырнө огыл) 2002 ий годсек июньышто почкалтышлан пöлеклалтше Тунямбал фестиваль эртаралтеш. Тудым «Ясная Поляна» тоштер-заповедник, верысе район администраций, «Наследие Л.Н.Толстого» тунямбал фонд эртарат.

Фестивальын символжылан почкалтыш (нуж) шотлалтеш. Селан гербыштыжат тиде кучкылым сүретлыме.



Чот Ой-кагаш шокшо кечыште шылым але колым почкалтыш дене пүтырал пышташ гын, вашке ок шопо.

Эн мотор

Уштымбал ялем эн моторла чучеш. Шошым пеледше сирень ден ломб-влак уремым сöрастарышт. Кенежым изи пүяште йүштылына, колым кучена.



Юля ИБРАЕВА,
2-шо класс.
Куженер район.

Ош онгыржым рүзалта


Ландыш чодыраште, үмылан верыште, шочеш. Тиде мотор пеледышым садвечыштыда ужнеда? Тугеже айста пырля пашалан пижына. Ош түсан пластик ате-влакым, кефир деч кодшо сайрак келшен толеш, сүрегысе семын пүчкедыза. Петыртышыш рожым шүтыза, гочшо күртньывоштырым шупшылза да ландыш «вургышко» пүтырен шындыза. Кузе мотор коеш! Адакшым нигунам огеш лывыжге, онгыржо-влак огыт велалт. Пашадам ужын, ача-авадаже кузе куанат!



Кидмастар

Аваем — мастар

Йоратыме аваеым лүмжө — Нина. Тудо кевытыште пашам ышта, сатум ужала. Пашаже авамлан келша. Мөнгыштат чыла ыштен шукта. Яра пагытше лийме годым крючок дене сылне изи палас-влакым пидеш. Мый авамлан тазалыкым, пиалым тыланем!



Артём ИЗБЕКОВ.
Татарстан,
Агрыз, Буймо.

Индекс 78574.
Тираж 1300 экз. Заказ 1816.
Формат — А-4-8.
Директор-түн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, «Ям-
де лий» газет» кугыжаныш
унитарный казенный
предприятий.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральный службын
Приволжский федеральный округысо уп-
равленийыштыже регистрироватлыме.
Номер — ПИ №ФС 18-1999,
2005 ий 10 февральыште
пуымо.

0+

Печатьыш пуымо жап — 14-00,
фактически — 13-00.
Ак — кутырен келшыме
почеш.

Авторын да редакцийын шо-
нымашыш түрлө лийын кер-
тыт. Серыш-влак мөнгеш огыт
колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.

Изи философ!



Алина



Субботина Морко посёлкысо 2-шо номеран йочасадышке коштеш. Кушташ, мураш, сүретлаш йөрата. Изи гынат, кидпашалан мастар. Яра жапыште пүртүс лонгашке вашка. Телевизор дене янлык да кайык-влак нерген передаче-влакым чарныде ончен кертеш. Вич ияш веле, а илышым кугыег семынак онча, чүчкыдын ушан ой-влакым ойла. Шке шонымашыжым лүдде луктын каласа.

Христина АЛЕКСАНДРОВА,
МарГУ-н студенткыже.

Тушто

Чодыра дечат күйшнө,
волгыдо дечат волгыдо.

Маскаизглан мүй ате
деке корным ончыктыза.



Сүретыште могай кайык ден янлык-влакым муыда? Нуным чиялтыза.

Мландым-балне чыла еҥ иканаште мом ышта?

«К» буква дене

Кирилл, Костя, Катя колым кучаш коремыш каеныт. Кирилл кугу карпым кучен. Ковашт колым конгаш күктен. Кумытынат куанен кочкыныт.

Советский, Өрша.

Чодырам аралыза!

✗ Чодыра пожа-

рыш логалында гын, мардеж вашта-реш ошкылза, тул тудо велке огеш мий.

✗ Энер сер але просек деке лекташ тыршыза.

✗ Кугу тул талышнымым ужында гын, Марий Эл Республикысе чодыра да сонар озанлык министерствын диспетчер службышкыжо йынгыртыза.

Тел.: 8 (8362) 56-65-35.

✗ Чодырам аралыме службын вияш линейшкыже йынгыртыза: 8 800 100 94 00.

Нужгол



Петя НАГАЕВЫН сүретыше.

Артём МОЧАЛОВ, 5-ше класс.



Лу ойыртемем муза.

